

**NAMIBIA SENIOR SECONDARY CERTIFICATE**

**FIRST LANGUAGE OSHINDONGA HIGHER LEVEL**

**8305/3**

PAPER 3 Literature

2 hours 30 minutes

Marks 60

**2020**

Additional Materials: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**OMALOMBWELO NOMAUYELELE KAALONGWA**

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yOsenda, Onomola yEkonakono nEdhina lyoye kEmbo lyoye lyOmayamukulo.
- Nyola nopena ombulau nenge onduudhe.
- Ino longitha okadhimitho komeya.
- Yamukula omapulo **gatatu**, **limwe** okuza metendo lya-A **lyUutewo**, **ekwawo** okuza mEtendo lya-B **lyOoprosa nekwawo** otali zi mEtendo lya-C **lyOodrama**.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [ ] konima yepulo kehe nenge yoshitopolwa shepulo.

This document consists of **7** printed pages and **1** blank page.



Republic of Namibia

**MINISTRY OF EDUCATION, ARTS AND CULTURE**

**ETENDO A: UUTEWO**

Metendo muka hogolola mo epulo **limwe** alike.

- 1 Lesha okatewo haka ka za **mOmbago yOmukongo** ku**Hans Daniel Namuhuja**, e to yamukula omapulo agehe.

**Etumo lyAasoomi**

Lwaahwiwaka yuuyuni  
popepi naSwedeni  
Pe n' okavi ki ikalela  
Ke li kombanda yomafuta  
Ke n' ooyene ye ka hole  
Ye ka luka edhina lyako  
Ye ka luka Osoomi.

Osoomi oyo oshilongo  
Shi n' uunshitwe wo opala  
Shi n' uuyamba womeya  
Shi n' oongundu dhomatale  
Sho shi na wo oongala  
Oombwanawa dho opala.

Meyopalo nomuuyamba  
Aasomi oya za mo  
Ya taaguluka omafuta  
Ya thinda kuAfrika  
Kevi ndi li na iiponga  
Li n' omutenya ku pula  
She ya enditha oshike?  
Yo kaa ye na iipindi.

Oskepa tayi kunkula  
Nomunkulo gwaAfrika  
Ngolongo ye ya mekololo  
Ye ya mOmbaye nokuli  
Omwa za ooRautanen  
Ya za mo ye n' oondjato  
Dhomishangwa dhaKalunga.

Tatekulu Rautanen  
Ina endel' Uushimba  
Ine ya kAaherero  
Okwe endela Aawambo  
A pita pOnamutuni  
A thikile pOmandongo  
OmOndonga yaNangolo

Tatekulu Rautanen  
Oye Nakambale gwetu  
Ina endel' iipindi  
Ine ya ta shingitha  
Okwe ya e n' oshipeko  
Shoohapu dhaKalunga  
Tadhi hupith' oomwenyo  
Dhaambo ye dhi itaala.

Elak' etoye Iyevangeli  
Olye tu pendula tse Aawambo  
Lye tu kutha moomposi  
Twa ningi aahupithwa  
Ngashingeyi twa mon' ehupitho  
Twa mon' ohenda yOmuwa gwetu.

Manongelo otwa dhikilwa  
Oongerki otu na  
Ino pula iipangelo  
Tala oshinyanyangidho  
Aasoomi oya longa.

MOwambo nOkavango  
Ngashingeyi otu na  
Oongerki yetu yene  
Yi li meke lyetu yene.

KuSoomi ondi hole ko  
Okwa za zile Nandago  
Kwa za Manyanya Nangula  
Kwa za meme Niilonga  
Okwa za wo meme Nakale  
Meme a tung' Eenhana.

Aakwanyama yaKanhene  
NAandonganga yaNangolo  
Aakwambi nAangandjela  
NAakwangali yaKapango  
Panduleni Aasoomi  
Ye mu igandjela shili  
Molwawo mwa ning' oshigwana  
Tashi longele Kalunga

(A L Nghifikua)

- (a) Omuteyi okwa dhiladhila shike sho ta ti, “molwawo mwa ninga oshigwana”? Gandja iitsa **iyaali**. [2]
- (b) Gandja iiholelwa **ine** yiitsa ya longithwa komuteyi opo a holole nkene etumo lye shi pondola miilonga yalyo. [4]
- (c) Omuteyi okwa longitha ngiini elaka opo a holole omaiuvo genyanyu mokatewo haka? Gandja iiholelwa **ine**. [4]
- (d) Omuteyi okwa longitha ngiini elaka nosho wo omuhingo opo a nwethe mo omuleshi a pande etumo lyAasoomi? [4]
- (e) Pakutala kwoye omuteyi okwe shi pondola ngiini mokulongitha itongononi mokatewo haka? Shi koleka niiholelwa **itatu**. [6]
- [20]

**NENGE**

- 2 Lesha okatewo taka landula ka za mu**Ndilimani Omutotiitewo** ku**Pendukeni Amunyela**, e to yamukula epulo lya pulwa.

### **Eindilo lyomunangeshefa egoya**

Lutumwenyo gwandje tii ku pe  
Magadhi noondyandyaa, oondhoka  
U paluke, u tekuke waa kulupe  
Ngoye shoye mwene lalakanena  
Lutumwenyo gwandje lya!

Uulalelo sho wa mono ngeyi  
Madhiladhilo gundjilika ihe  
Ga taalele onakuyiwa  
Nkene to ka kala wa tumbala  
U na uuyamba wa lundalala.

Konofu mpeya ndi tunge  
Omaalaka yomala ga londathana  
Sindano moshilongo ndi mone  
Ndi yelwaayelwe, omafo ndi na  
Gwotango ando muuyuni mbu.

Kooaha, akuhe dhewangandjo  
Oyendji mbo ya tetekele ndje  
Mamona gawo ando ga yonane  
Nenge pamifudho ya thuwithwe  
Hwepo, ndi simane.

Lutumwenyo gwandje lalakana  
Moombaanga adhihe mbaangela  
Mwenyo ngu gu gundjile  
Pamwe no ningwa u pangele  
Muuyuni mbu waa shi uufupi.

Ndi n' yOshkosh noScania  
OCorrone, Corolla noCressida  
Audi, Mercedes Benzi noPorsche  
Opel Asconia, Ferrari noombakumbaku  
Mahooli ngano ofenya.

Mwenyo gwandje, tala yuuyuni  
Longa u ka pe mo Humbeyane  
Una kwa tindi e ku egulule  
Oomiliona dhaayihe mbyo to mu ndumbile  
U shi megulu te ku tindile.

Momaushu, mongula yoshoonyonyolo  
Enangeshefa uuzilo lye wu p' omakondo  
Oyayee yu uvikila opetokoko  
Mwi moheli u undulilwa  
Komalaka gomulilo a lathagulwa.

*(Pendukeni Amunyela)*

Pamadhiladhilo goye, omuteyi okwa longitha ngiini elaka opo a gandje etumwalaka lye kaaleshi mokatewo haka? Koleka eyamukulo lyoye niitsa ya za mokatewo haka.

Shi ninga niitya **350 – 500**.

**[20]**

**ETENDO B: OOPROSA**

Metendo muka yamukula mo epulo **limwe** tali zi mu**Filemon Elifas** ku **H.D. Namuhuja** nenge mu**Yokomotunda ya theta** ku**Helena T. Kangalange**.

**3 Filemon Elifas ku H.D. Namuhuja**

Pamadhiladhilo goye, omushangi okwa holola omunyandi Filemon Elifas a pandika nenge ina pandika mokahokololo haka? Koleka eyamukulo lyouye niitsa ya za mokahokololo haka.

Shi ninga niitya **350 – 500**.

**[20]**

**NENGE****4 Yokomotunda ya theta kuHelena T. Kangalange**

Pamadhiladhilo goye iiningwanima yini tayi tungu ya hololwa komushangi mokambo haka?

Shi ninga niitya **350 – 500**.

**[20]**

**ETENDO C: OODRAMA**

Metendo muka yamukula mo epulo **limwe** tali zi m**Okanona mondhikwa yemwanka** nenge mu**Keho nokokana** ku**Angula T. Ndjembo**.

**5 Okanona mondhikwa yemwanka kuAngula T. Ndjembo**

Holola kutya omushangi gwoshinyandwa shika okwa hololela ngiini aaleshi uudhudhu waPandu.

Shi ninga niitya **350 – 500**.

**[20]**

**NENGE****6 Keho nokokana kuAngula T. Ndjembo**

Omushangi gwoshinyandwa shika pamadhiladhilo goye okwa etela ngiini puuyelege aaleshi etumwalaka lye?

Shi ninga niitya **350 – 500**.

**[20]**

**BLANK PAGE**

